

6. Los calzones del cura

- Lugar: Cuvia, GRAU.
- Narradora: M^a Sabel Fernández González, 78 años (1998).
- Recopilador : Ambás.

Encuestador]: —¿Cómo ia eso?
[Sabel]: —Un padre ya un fíu, una vez foran a una feria, ya claro, llevaban la comida... preparó-y la *mujer* la comida nas *alforjas* pa llevar pal otro día, ya ella quedaba en casa... ¡Coñu!, cuando llevaban un pedazu, qu'anduvieran yá grande, acordóuse que *dejaran* las *alforjas* cola comida en casa, ya dio la vuelta'l fíu buscallas, ya marchóu p'allá... ya va con ellas... cuando llega... de nochi... la *alforja*... diz él:

—¡Ui!, ¿tu qué trais aquí, *hombre*? Tu envede traer l'*alforja*... ¿traes los calzones del cura?

Ya claro, el cura... entós taba'l cura con ella en casa ya marchóu colos calzones del cura. Ya despuós... ella a una vecina:

—¡Ai, *mi* madre del alma [...] ¿nun sabes lu que me pasóu? Claro, vino'l cura pa comigo, *mujer*, ya vinienon buscar... quedara l'*alforja* en casa, envede cargar l'*alforja* calzanon los calzones del cura. Y ahora cuando venga... esi, hoi me mata, ¡hoi me mata!

—¿El cura nun tendrá d'esos calzones? —dizlu la vecina.

—Sí, vou a ver, sí, teníalos.

Diz ella:

—Bueno, pues calla, que todú lu soluciono yo. Él cuando venga siempre para... nun sei...

Bueno, tuvo prehí por un bar preillí cerca, ya ella diz:

—¡Hala, entrái p'adentro!, que hoi convido you —la vecina.

Ya entonces... hala, va pagar ya saca... alza p'arriba'l vistíu ya... pa enseñar los calzones...

Ya diz él:

—¿Tu qué traes ahí, ne?

Diz ella:

—Coñu, ¿qué traigo ahí?, ¿tovía me preguntas qué traigo? ¡Tien la tu muyer unos hermanos ya pregúntasme qué traigo!

Y diz él:

—¡De bona la salvasti, que contaba matalla en llegando a casa!

[Encuestador]: —¡Coñu, ya salvóula!

[Sabel]: —¡Ya salvóula!



6. *Los calzones del cura*

MARÍA SABEL FERNÁNDEZ GONZÁLEZ

Cubia, GRAU

Semeya: Ambás.

